

**Soalan No: 20**

**PEMBERITAHU PERTANYAAN DEWAN RAKYAT**

**PERTANYAAN :** LISAN

**DARIPADA :** **Dato' Dr. Nik Mazian bin Nik Mohamad [ Pasir Puteh ]**

**TARIKH :** **17.5.2016**

**SOALAN :**

**Dato' Dr. Nik Mazian bin Nik Mohamad [ Pasir Puteh ]** minta **MENTERI PENDIDIKAN** menyatakan Diploma lepasan kolej vokasional adakah setaraf dengan Diploma lepasan IPTA dan IPTS. Adakah statusnya sebagaimana memenuhi MQA pendidikan tinggi yang lain. Bagaimana pula peluang untuk melanjutkan pelajaran seterusnya kepada lepasan Diploma Kolej Vokasional ini.

**JAWAPAN**

Tuan Yang di-Pertua,

Program yang ditawarkan di kolej vokasional adalah program yang setaraf dengan program yang ditawarkan di IPTA dan IPTS. Program yang dilaksanakan juga telah memenuhi standard penawaran program dan seterusnya mendapat akreditasi daripada MQA. Selain itu, program di kolej vokasional juga mendapat pentaulahan daripada Jabatan Pembangunan Kemahiran (JPK).

Pelajar lepasan kolej vokasional berpeluang melanjutkan pelajaran ke peringkat yang lebih tinggi selepas tamat Sijil Vokasional Malaysia (SVM) dan Diploma Vokasional Malaysia(DVM). Pada 28 Mac 2016,

Kementerian Pendidikan Malaysia telah menyetarakan SVM dengan 3 kredit Sijil Peperiksaan Malaysia berdasarkan syarat-syarat yang telah ditetapkan oleh Lembaga Peperiksaan.

Untuk makluman Ahli Yang Berhormat, SVM dengan perakuan pernyataan kesetaraan adalah layak digunakan mengikut keperluan seperti dikehendaki oleh mana-mana institusi yang berkaitan pendidikan, latihan atau pekerjaan. Pelajar lepasan DVM yang mendapat penyetaraan akan dapat melanjutkan pelajaran dalam bidang kemahiran ke peringkat yang lebih tinggi dan juga dalam bidang akademik ke peringkat Ijazah dan seterusnya.

RJM15

**PEMBERITAHUAN PERTANYAAN  
DEWAN RAKYAT**

**PERTANYAAN : BAGI JAWAB LISAN**

**DARIPADA : TUAN NG WEI AIK [ TANJONG ]**

**TARIKH : 17 MEI 2016 (SELASA)**

**SOALAN : 21**

**Tuan Ng Wei Aik [ Tanjong ]** minta **MENTERI PENGANGKUTAN** menyatakan rancangan Kerajaan Persekutuan untuk menangani samsaman AES (*Automatic Enforcement System*) yang dikeluarkan tetapi belum dibayar sehingga hari ini.

## **JAWAPAN**

Tuan Yang di-Pertua,

Orang Kena Saman (OKS) yang melakukan kesalahan-kesalahan di bawah pelaksanaan *Automated Enforcement System* (AES) dan menerima saman AES perlu membayar saman tersebut menggunakan pelbagai saluran pembayaran yang disediakan. Saman-saman AES yang dikeluarkan terhadap OKS adalah sah (*valid*) dan teratur dari aspek perundangan. Dalam hubungan ini, Kerajaan sememangnya tidak bercadang untuk memansuh atau membatalkan saman-saman AES. Pemansuhan atau pembatalan saman adalah tidak bertepatan dan bercanggah dengan dasar dan prinsip Kerajaan untuk melaksanakan penguatkuasaan yang berkesan di samping memperkuatkan aspek keselamatan jalan raya.